



Mart. 20. 1660.



Quandoquidem compertum est intra Academiae limites, factiosos nonnullos & turbones oberrare, qui huic praecipue incumbunt, ut lites serant, tumultus & pugnas cieant, in dedecus & dehonestamentum Literarum: Ut obviam eamus inveterato isti & gliscenti adhuc hujus loci malo, visum est programmate hoc publico, singulis quorquot Regimini & Disciplinae Universitatis subsunt, & Privilegiis ejusdem inibi fruuntur, notum facere: Quod si quis deinceps, in istiusmodi flagitio deprehensus fuerit, qui vel ipse cum aliis pugnaverit, fuste, pugno, lapidibus, aut quovis alio modo quemvis caecerit, vel imperiverit, dictariis, aut Scripto quovis, alios laceffiverit, quo ad Seditiones & studiapartium trahat & inter se committat, Sibilando, aut vociferando, indecore & factiose se gesserit, vel in Scholis publicis, vel plateis & vicis Urbis, aut concertantium circulis se aggregaverit, contra quod Pietatis & Modestiae leges jubent, & plurimis Academiae Statutis cautum est, ipso facto foras Ejiciatur, & bannietur quippe violatae pacis Academiae reus, sine spe veniae aut regressus: ut reliquis malo suo Sobrietatis & Modestiae documento sit.

PAVLVS HOOD *Vice-Can. Oxon.*

Oxon. Typis Academiae LICHFIELDIANIS.

16⁵⁹/₆₀